

得心集醫案卷一

南城謝星煥映廬甫著

門人

劉紹基蓮溪汪士珩節渠

同校

趙省庵先生

男甘

霖時若

纂輯

金谿

較定

姜真吾先生

姪甘棠

憩亭編次

傷寒門

陽症似陰

孫恩洪

謄稿

吳雙龍乃室得傷寒病信巫不藥漸至潮熱大作胸前板

結譫語耳聾數日未食猶不服藥遂爾神識昏迷眼翻牙
緊合室驚惶延余治之脈得細濇十指微冷面色黃白問
之不飲湯水潮熱時有時無儼然虛極之象細審此症寒
邪成熱爲陽其返成陰候者古人謂大實有羸狀卽此類
也又河間云鬱熱蓄盛神昏厥逆脈反滯濇有微細欲絕
之象使投以溫藥則不可救矣蓋其初原因傷寒失表遂
入於裏寒鬱成熱熱極變寒理宜表裏兩解治以柴胡薄
荷菖蒲大黃枳實甘草等味急服兩劑連泄三次潮熱大

作口反大渴知其裏熱出三焦經絡之熱法當清之以
竹葉石膏湯四劑而安

竹葉石膏湯

仲景

竹葉

石膏

人參

甘草

麥冬

半夏

粳米

生薑

誤下嘔泄

危廷階年二十始病發熱惡寒進表散藥二劑汗已大出
熱仍不解更醫又用柴葛解肌之法反增氣逆乾嘔胸前

板結一醫進大柴胡湯一劑遂爾腹中雷鳴利下不止其
父亦知醫理邀集同道相商交口當進有味白朮散余獨
議曰仲景云胸中實下利不止者死其父惶悚諸醫默然
余又曰此真謂之死症耶但症極險耳俟吾以法治之二
劑可收神效其父且驚且喜及見疏方乃生薑瀉心湯又
疑苓連不服余曰此症吾揣摩有素非一時之擬用也服
下果然嘔熱頓止但渴泄未止更與甘草瀉心湯嘔利隨
止歸語門人門人不解因誨之曰此症頭緒錯雜無非汗

下傷胃。胃中不和。客氣上逆。伏飲搏結。聚膈。夫胸前板結。卽心中痞鞭也。胃虛火盛。中焦鼓激。以致腹中雷鳴。蓋火走空竅。是以上嘔下泄也。生薑性溫。善助胃陽。甘草味甘。最益胃陰。因仿長沙之訣。汗後胃虛。是陽氣外傷。故用生薑之溫。以助陽。下後胃虛。是陰氣內傷。故用甘草之甘。以補陰。藥僅更一味。意則有二。先後兩劑。欲起一生於九死。者。敢操無師之智哉。門人問曰。甘草補陰止利之義。先賢開導來學。但此症胸前板實。生薑散滿。固其宜也。吾師復

用甘草獨不慮其資滿乎。答曰：甘草味甘補土，土健而滿自除也。况施火性急迫，陰氣不守之症耶？且甘草之功用甚長。惟仲景之聖方知舉用。試觀發表藥中如桂枝、麻黃、大小青龍輩，必用甘草者，欲以載邪外達，不使陷入陰分也。若邪入裏，必無復用甘草之理。如五苓承氣陷胸十棗諸方俱不用也。至桃核調胃兩方，以其邪兼太陽，尚屬用之。若陰血大傷，竟重用甘草以復脈，可見前賢用藥取舍自有法度。而後之葉天士、黃宮繡輩，每視甘草爲畏物，致

令良藥見屈固不識此取舍之妙又不察資滿泄滿之意也。又問曰土健而滿自除則凡滿症俱不必忌乎曰非也陰氣內盛之滿法所必忌陰氣下亡之滿法所必施如發表藥中之甘草必不可少攻利藥中之甘草有斷不可用者舉一隅不以三隅反則不復也。

半夏瀉心湯

仲景治傷寒下之早胸滿而不痛者爲痞身寒而嘔飲食不下非柴胡症

半夏

黃芩

黃連

甘草

人參

乾薑

大棗

本方除人參再加甘草名甘草瀉心湯

本方加生薑名生薑瀉心湯

凡用瀉心者皆屬誤下之症非傳經熱邪也

誤下脹滿

何挺芳患傷寒病服表散藥而頭痛身痛發熱惡寒諸症已除可知表邪固解惟大小便不利咳唾多涎醫者不察拘於傷寒法中有表邪既除裏邪可下之說誤與承氣一服遂至通腹反滿嘔逆上氣前醫再視駭然辭去余視口不渴身不熱且脈來弦滑知無熱邪實結在裏不過痰飲

阻滯腸胃承氣苦寒徒損胃氣以致傳化失常濕邪不走
痰飲愈逆故胃氣愈亂脹滿愈增也當取五苓散重桂化
氣利濕加入陳半甘遂和中逐飲一劑二便俱通病者立
時精神爽利未勞再劑而愈蓋氣化濕走又病機中當以
小便不通之爲標急也

五苓散

仲景

豬苓

澤瀉

茯苓

白朮

官桂

誤治傳經

龔初福初起畏寒發熱腹痛而嘔醫以柴胡當歸之屬治之更加大熱繼以藿香砂仁溫中之藥愈加沉重以致人事昏憤言語聲微通身如火然發熱猶衣被不離四肢時冷有如瘧狀時忽痛泄晝夜不寐欲服歸脾理中藥未決與余商余診之曰此症全爲藥誤病之初起原是太陽府症者以五苓散投之得非對症之藥乎奈何以柴胡引入少陽當歸引入厥陰病劇又誤以藿香砂香燥之藥而劫其膽之津液以助其火又安得寐而乃以久病體虛欲服歸

脾胃中之劑。豈相宜耶。夫寒邪鬱而成熱。顛倒錯誤。已成壞症。理宜急通經絡。而兼以直降其鬱火。庶幾寒去而熱除。熱除而人事清。人事清而寤寐安矣。以仲景附子瀉心湯。附子以通經。芩連以降火。正合其宜。乃渠猶畏芩連之涼。竟不肯服。力爭之一劑。大便下泄。小便紅赤。再劑諸症悉除。惟不寐。加入溫膽湯四劑而痊。

附子瀉心湯

大黃

黃連

黃芩

附子

溫膽湯

陳皮

茯苓

竹茹

半夏

甘草

枳實

或加薑棗

陽邪入裏

吳秀華時值秋盡頭痛畏寒畧有潮熱食減便泄來寓索方予視面色晦黑舌色乾裂因告之曰內有濕熱外感風寒當節口腹免成瘧痢疏與小柴合乎胃與服病已霍然殊伊歸里房室不謹食物不節瘧症果起其瘧寒少熱多

自汗口渴不能自支。自服理中丸。次日瘧發頗重。延醫稱爲熱症。與石膏知母之屬。熱勢雖輕。却無退刻。乃熱邪內陷。非熱邪外解。果然裏急後重。下痢紅白相兼。煩渴譫語。其勢轉重。延予視時。人事昏惑。細按其脈。弦數勁指。重按有力。上則嘔逆胸滿。下則後重逼迫。中則腹痛拒按。且身雖發熱。尚有頭痛畏寒。此熱邪內陷。氣血怫鬱充斥三焦。故有譫語妄見。是表裏內外交困。棘手重症矣。反覆思議。非表裏交攻之法。勢所難挽。與仲景治傷寒發熱汗出不

解陽邪入裏。熱結在裏。表邪未除。裏邪又急。之例相符。處
以大柴胡湯。寒熱紅白頓除。譫語亦息。仍與前湯除枳實。
再進而安。後與甘寒而健。噫。聖人之法。布在方策。倘能尋
其端倪而起。一生於九死者。此仲景所以稱爲萬世師也。
大柴胡湯

柴胡

半夏

黃芩

芍藥

枳實

大黃

薑棗

失表發黃

二條

仁元傭工也。躬耕田畝。年及半百。時值暑月。發熱畏寒。未藥已痊。漸次肢體怠惰。頭腰重墜。通身帶浮。面色黃唇舌指爪皆白。二便如常。告於余。余曰。此乃太陽病。未經發表。邪陷肌膚之中。非濕熱發黃之證也。次早診脈。按得三部浮緊。而數時或喘咳。復告余曰。已服黃疸草藥。頭上如蒙腰間愈重。四肢忽麻。胸前時緊。余曰。昨之所擬。更無疑矣。以仲景麻黃湯加厚樸。連服四劑。每劑令啜熱稀粥以助藥力。俱得微汗。頭腰方輕。症稍減。然脈象仍如前。與五積

散一料藥完而病愈矣

五積散

白芷

陳皮

厚樸

當歸

川芎

芍藥

茯苓

桔梗

蒼朮

枳殼

半夏

麻黃

乾薑

肉桂

甘草

葱
棗

麻黃湯

麻黃

杏仁

桂枝

甘草

王富春新婚匝月得太陽傷寒病頭痛發熱畏寒誤用補